

- u zajedničkoj realizaciji projektnih aktivnosti u okviru projekta "Podrška pravosuđu Bosne i Hercegovine - Jačanje uloge tužilac u sistemu krivičnog pravosuđa, faza 2" (uplaćen je iznos od 52.922 KM, a unos se vrši u iznosu od 3.327 KM iz razloga što je iznos od 49.595 KM planiran u Budžetu 2016. godine).
2. Sredstva iz tačke 1. ovog Zaključka evidentirat će se u razdjelu 12, glava 03, potrošačka jedinica 0001 - Kantonalno tužilaštvo, na ekonomskom kodu: 611100 - Bruto plaće i naknade, funkcija 033 ..... iznos: 3.327 KM.
  3. Odobrava se unos sredstava (primljeni transferi od općina 732116) u Budžet Kantona Sarajevo za 2016. godinu u iznosu od 34.000 KM koja su Fondu Memorijala doznačena od strane: Općine Centar u skladu sa Sporazumom o sufinansiranju projekata Fonda Memorijala na području Kantona Sarajevo (10.000 KM), Općine Ilidža u skladu sa Sporazumom o sufinansiranju projekata Fonda Memorijala na području Kantona Sarajevo (10.000 KM), Općine Centar u skladu sa Protokolom o realizaciji granta neprofitnim organizacijama - manifestacija "Obrana BiH - Igman 2016." (5.000 KM), Općine Novi Grad u skladu sa Zaključkom na ime finansiranja podrške organizaciji manifestacije "Obrana BiH - Igman 2016" (5.000 KM), Općine Ilijaš u skladu sa Odlukom za sufinansiranje manifestacije "Obrana BiH - Igman 2016" (2.000 KM) i Općine Novo Sarajevo u skladu sa Ugovorom o finansijskoj pomoći za organizovanje manifestacije "Obrana BiH - Igman 2016" (2.000 KM).
  4. Sredstva iz tačke 3. ovog Zaključka evidentirat će se u razdjelu 13, glava 02, potrošačka jedinica 0001 - Fond Memorijala, na ekonomskim kodovima: 615200 - Kapitalni transferi pojedincima DBU001 Sredstva za šehidska groblja i groblja poginulih boraca, funkcija 082 ..... iznos: 20.000 KM 614300 - Tekući transferi neprofitnim organizacijama DBN001 Sredstva za održavanje tradicionalne manifestacije "Obrana BiH-Igman", funkcija 082 ..... iznos: 14.000 KM.
  5. Ministarstvo finansija će evidentirati i proknjižiti uplaćena sredstva i izvršiti plaćanje po nalogu Ministarstva pravde i uprave i Ministarstva za boračka pitanja, te pratiti utrošak istih.
  6. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".
- Broj 02-05-23316-32/16  
14. jula 2016. godine

Premijer  
**Elmedin Konaković**

### Ministarstvo zdravstva Kantona Sarajevo

Na osnovu člana 6. stav 1. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", broj 44/12, 23/13, 27/14), Ministarstvo zdravstva Kantona Sarajevo donosi

## ODLUKU

### O DOPUNI ODLUKE O SLOBODNIM LOKACIJAMA ZA OSNIVANJE APOTEKA ZA 2016. GODINU NA PODRUČJU KANTONA SARAJEVO

#### I

Ovom Odlukom definišu se dodatne slobodne lokacije na području Kantona Sarajevo za 2016. godinu za osnivanje apoteke, u skladu sa demografskim i geografskim kriterijima utvrđenim Pravilnikom o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", broj 44/12, 23/13, 27/14) (u daljem tekstu: Pravilnik).

#### II

U skladu sa utvrđenim kriterijima propisanim čl. 3 i 4. Pravilnika, Ministarstvo zdravstva Kantona Sarajevo, utvrđuje dodatne slobodne lokacije za osnivanje apoteka za 2016. godinu, po mjesnim zajednicama u općinama na području Kantona Sarajevo kako slijedi:

1. Općina Novi Grad za područje Mjesne zajednice Briješće - 1 apoteka
2. Općina Centar za područje Mjesne zajednice Pionirska dolina Nahorevo - 1 apoteka

#### III

Međusobna udaljenost između dvije apoteke ne može biti manja od 400 metara najbliže cestovne povezanosti.

Međusobna udaljenost apoteka iz stava 1. ove tačke utvrđuje se geodetskim izmjerom ovlaštene osobe za obavljanje geodetskih poslova shodno važećim propisima iz ove oblasti.

#### IV

Na podnijeti prethodni zahtjev osnivača buduće apoteke odnosno budućeg nositelja odobrenja za privatnu praksu, Ministarstvo zdravstva Kantona Sarajevo će izdati saglasnost da se na toj lokaciji može osnovati apoteka.

Osnivač buduće apoteke odnosno budući nositelj odobrenja za privatnu praksu kojem je izdata prethodna saglasnost na lokaciju dužan je podnijeti zahtjev za osnivanje apoteke s potpunom dokumentacijom shodno Pravilniku najkasnije tri mjeseca od dobijanja saglasnosti.

Ukoliko u roku utvrđenom u prethodnom stavu budući osnivač ne podnese Ministarstvu zdravstva zahtjev s potpunom dokumentacijom za osnivanje apoteke shodno Pravilniku, ista će se poništiti i izdati drugom podnosiocu koji ispunjava kriterije utvrđene ovom Odlukom.

Budućem nositelju odobrenja za privatnu praksu, odnosno budućem osnivaču apoteke na lokacije utvrđene u tački II Odluke o slobodnim lokacijama se može izdati samo jedna prethodna saglasnost.

#### V

Ova odluka stupa na snagu danom donošenja i bit će objavljena u "Službenim novinama Kantona Sarajevo" i na web stranici Ministarstva zdravstva.

Broj 10-05-9626-1/16  
7. jula 2016. godine  
Sarajevo

Ministrica  
**Zilha Ademaj, s. r.**

## GRAD SARAJEVO

### Gradsko vijeće

Na osnovu člana 26. stav 1. Statuta Grada Sarajeva - Prečišćeni tekst ("Službene novine Kantona Sarajevo", broj 34/08), i člana 5. Odluke o dodjeli u zakup poslovnih zgrada i prostorija Grada Sarajevo ("Službene novine Kantona Sarajevo",

broj 30/15), Gradsko vijeće Grada Sarajeva, na sjednici održanoj 29.06.2016. godine, donijelo je